

Sandton Afrikaanse Akademie



ALGEMENE VOORWAARDES EN TOELATINGSBELEID

Ons, die ondergetekende ouers aanvaar hiermee ongekwalifiseerd en onvoorwaardelik die toelatingsbeleid en voorwaardes van Sandton Afrikaanse Akademie en ons verklaar dat 'n afskrif daarvan aan ons beskikbaar gestel is tydens ondertekening van hierdie inskrywings- en toelatingsvorm.

1. Ons onderwerp ons spesifiek aan die Missie en Visie van die Sandton Afrikaanse Akademie soos van tyd tot tyd bepaal.
2. Die ouers/voogde, in hul hoedanigheid as voogde van die leerder verklaar en aanvaar dat hulle hul onherroeplik daarby neerlê dat die onderrigmedium van die skool Afrikaans as voertaal sal wees.
3. Die ouers/voogde bewus is van die Christelike aard van die skoollewe en instem dat die betrokke leerling Bybelklasse en saalbyeenkomste sal bywoon.
4. Die ouers/voogde namens die leerder aanvaar hiermee die kultuur verbonde aan die skool soos verwoord in sy missie en gee toestemming dat die leerder mag deelneem aan enige kultuuraktiwiteit en skoolbedrywighede soos daarin omvat.
5. 'n Gedifferensieerde onderwysstelsel word in die skool toegepas wat ten inhoud het dat elke leerder onderrig ontvang wat rekening hou met sy/haar bekwaamheid, aanleg en belangstelling binne die uitsluitlike diskresie van die skool in konsultasie met die ouers.
6. Die Bestuur van die skool behou volle reg van toegang tot die skool voor en behou ook die reg voor om enige leerder toelating tot die skool te weier sonder om redes van enige grond te vermeld, met dien verstande dat die gronde vir sodanige weiering nie gebasseer sal wees op enige element wat die uitwerking sal hê dat dit sal neerkom op diskriminasie ten opsigte van ras, geslag of diskriminasie in die algemeen soos vervat in die Grondwet van die Republiek van Suid-Afrika.
7. Die ouers aanvaar dat die keuring van nuwe leerders geskied met inagneming van die behoud van tradisionele waardes en etos van die skool, beskikbare plek in die skool, geografiese gebied, ouderdomsbeperinge en ander keuringsvereistes wat van tyd tot tyd deur die Beheerliggaam bepaal word.
8. Die Bestuur en die skool behou die reg voor om enige leerder se toelating tot die skool terug te trek en sodanige leerder te skors uit die skool.

Sandton Afrikaanse Akademie



ALGEMENE VOORWAARDES EN TOELATINGSBELEID

9. 'n Kind/ers wat aan enige siekte- of geestestoestand ly, wat na mening van die skoolhoof of die Raad ander leerlinge mag benadeel of beïnvloed, kan gevra word om die skool te verlaat, hetsy permanent of tydelik.
10. Die leerder moet inpas by die natuurlike kronologiese ouderdom van die leerdergroep waartoe toegang verlang word en sal bepaal word met inagneming van die relevante Wetgewing en Regulasies daarkragtens uitgevaardig.
11. Die registrasiegelde is betaalbaar wanneer aansoek gedoen word om toelating. Hierdie geld dek administratiewe uitgawes en is nie terugbetaalbaar nie.
12. Die ouers verantwoordelik vir die betaling van die skoolgelde, onderneem om die skoolgelde stiptelik te betaal. Indien die ouer wat verantwoordelikheid vir betaling van die skoolgelde aanvaar het, in terme van hierdie ooreenkoms, sou weier en/of versuim om sodanige skoolgelde te betaal, sal die ander ouer/voog van die leerder aanspreeklik word vir betaling van sodanige fondse en sal alle bepalings met betrekking tot hierdie ooreenkoms insgelyks op sodanige ouer van toepassing raak. Indien 'n leerder die skool bywoon vir langer as een week, sal die ouers *ipso facto* aanspreeklik wees vir skoolgeld.
13. Indien 'n ouer/voog sou versuim om die skoolgelde te betaal, behou die skool die reg voor om regstappe en/of enige ander stappe teen sodanige nie-presterende ouer/voog in te stel, en om die gegewens van wanbetaling aan 'n kredietburo te verskaf. Sodanige nie-presterende ouer sal aanspreeklik wees om alle regskostes op 'n skaal soos tussen prokureur en eie kliënte te vereffen, insluitend invorderingskommissie.
14. Die ouer/voog van die leerder kies hiermee die adres soos in die inskrywingsvorm hiervoor vermeld as hul *domicilium citandi et executandi* vir alle doeleindes van moontlike kennisgewing wat aan sodanige ouer gerig moet word. Enige verandering daarvan sal deur die ouer skriftelik aan die skool oorhandig word.
15. Geen maandelikse skoolgelde sal egter op 'n pro-rata basis terugbetaal word nie.
16. Leerders moet geïmmuniseer wees en afskrifte van die nodige dokumente moet aan die inskrywingsvorm geheg word.
17. Die ouer/voog aanvaar hiermee dat daar skoolreëls van tyd tot tyd deur die skoolhoof, personeel en beheerraad afgekondig word, wat van toepassing is op

Sandton Afrikaanse Akademie



ALGEMENE VOORWAARDES EN TOELATINGSBELEID

die onderskeie leerders. Die ouer/voog aanvaar hiermee namens hulself en die leerder dat sodanige skoolreëls, sonder uitsondering van enige reël, op die leerder van toepassing sal wees en aanvaar en onderwerp die leerder aan sodanige skoolreëls.

18. Van leerlinge word verwag om alle amptelike skooldae by te woon, insluitende spesiale dae en aande wat deur die skool as verpligtend beskou word. Verlof om afwesigheid sal slegs in die mees buitengewone omstandighede deur die skoolhoof toegestaan word.
19. Indien enige skade deur 'n leerder aan die skoolgeboue, toerusting of enigsins aangerig word, hetsy nalatig of opsetlik, aanvaar die ouer/voog hiermee onvoorwaardelik aanspreeklikheid van sodanige skade en onderneem om die skool skadeloos te stel ten aansien van die herstel en/of vervangingskoste van sodanige skade.
20. Alle persone en kinders wat die skoolterrein se persele betree, hetsy gemagtig of nie, doen dit geheel en al op eie risiko en sodanige persone onderneem om die reëls en regulasies van die skool stiptelik na te kom.
21. Die reg van toegang tot die skoolterrein en persele word te alle tye voorbehou.
22. 'n Sertifikaat van die bedrag van skoolgelde wat verskuldig en betaalbaar is, welke sertifikaat deur 'n hoof van die skool onderteken is, sal *prima facie* bewys wees van die opeisbaarheid en verskuldigheid van enige bedrag betaalbaar ten aansien van skoolgelde. Die aanstelling van sodanige ondertekenaar hoef nie bewys te word nie.
23. Indien die ouer of verantwoordelike persoon vir betaling van die rekening sou versuim om 'n adresverandering skriftelik aan die skool te verskaf, sal sodanige ouer/voog verplig wees om die koste ten aansien van enige opsporingsagente te vereffen.
24. Ons, die ondergetekende as ouers en voogde van die leerder, dra hiermee die dissipline-bevoegdheid as ouer oor aan die hoof van die skool met die mag van delegasie met dien verstande dat sodanige dissipline-bevoegdheid te alle tye redelik uitgeoefen sal word.

Sandton Afrikaanse Akademie



ALGEMENE VOORWAARDES EN TOELATINGSBELEID

25. Indien enige skoolgelde nie stiptelik betaal word op die betaaldatum daarvan nie, sal rente gehef word teen 'n koers van 10% per maand met dien verstande dat sodanige koers nie die bepalinge van die woekerwet sal oorskry nie.
26. Leerders kan 13:00/15:00 afgehaal word. Nasorg is van 13:00/15:00 tot 17:00.
27. GEEN LEERDERS MAG NA 17:00 AFGEHAAL WORD NIE. Ouers wat kinders na 17:00 afhaal sal 'n boete van R60 per 15 minute wat die kind na 17:00 opgelaaie word, verskuldig wees.
28. Leerders wat na skooltyd afgehaal word, en nie deel van die nasorg is nie, skakel outomaties by nasorg in teen R15-00 per uur ekstra. Leerders kan voltydse of deelydse by hierdie diens inskakel. Indien 'n leerder net deelydse van die nasorg gebruik maak beloop dit R60-00 per middag ekstra.
29. Daar sal boek gehou word van die boetes deur die afloop van die maand en op die 25ste van die maand sal 'n rekening gegee word aan elke ouer wat boetes verskuldig is. Die boetes is dan betaalbaar saam met die volgende maand se skoolgeld.
30. 'n Volle kalender maand kennis moet skriftelik ingedien word indien u besluit om die skool te verlaat. Indien u versuim om die kennisgewing in te dien, sal u verantwoordelik gehou word vir 'n maand se fooie na u kind die skool verlaat het.
31. Jaarlikse verhoging van skoolfooie sal in November maand van elke jaar gekommunikeer word en sal effektief wees vanaf Januarie die daaropvolgende jaar.
32. Skoolgelde is betaalbaar op die 1ste skooldag van elke maand vanaf Januarie tot Desember.
33. U word versoek om te sorg dat u die skoolhek agter u toemaak.
34. SIEK LEERDERS HOORT TUIS. Indien daar enige medikasie toegedien behoort te word, moet dit asb. persoonlik by die betrokke onderwyseres gelaat word. ALLE medikasie moet DUIDELIK GEMERK wees, moet in die medikasie register aangedui word en die verantwoordelike persoon vir die leerder moet daarby teken.